



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN, CULTURA Y DEPORTE

RESOLUCIÓN de 17 de mayu de 2013, de la Conseyería d'Educación, Cultura y Deporte, pola que s'autoriza'l gastu y se aprueba la convocatoria conxunta de subvenciones pa la normalización social del asturianu y, nel so ámbitu, del gallego-asturianu, en réxime de concurrencia competitiva.

L'Estatutu d'Autonomía del Principáu d'Asturies y la Llei 1/98, de 23 de marzu, d'Usu y Promoción del Bable/Asturianu señalen como competencia del Principáu'l fomentu y la protección del asturianu nes sos distintes variedades que, en cuantes que modalidaes llingüístiques, s'usen nel territoriu del Principáu d'Asturies, mesmo que del gallego-asturianu nel so ámbitu. De magar l'aprobación d'esta normativa, el Principáu d'Asturies asumió la dirección, coordinación y ejecución de les actividaes rellacionaes col asturianu y vien estableciendo midíes específiques de promoción del mesmu, respetando siempre los principios de llibertá y voluntariedá nel so usu pola ciudadanía. Ente estes midíes ta la de la convocatoria de subvenciones o ayudes que permitan fomentar l'usu del asturianu y del gallego-asturianu n'iniciatives particulares, empresariales o asociatives y, en xeneral, como vehículu d'espresión cultural.

Buscando llograr esti oxetivu, por Resolución d'esta Conseyería de 30 d'abril de 2009 (*Boletín Oficial del Principáu d'Asturies* de 13 de mayu de 2009) aprobáronse les correspondientes bases rectores, modificaes por Resolución de la Conseyería de Cultura y Deporte de 23 d'abril de 2012 (*Boletín Oficial del Principáu d'Asturies* de 30 d'abril de 2012).

El Plan Estratéxicu de Subvenciones de la Conseyería d'Educación, Cultura y Deporte pal exerciciu 2013 aprobóse por Resolución de 4 d'abril de 2013 (*Boletín Oficial del Principáu d'Asturies* de 8 d'abril de 2013). Poro, corresponde agora aprobar la convocatoria conxunta de subvenciones pa la normalización social del asturianu, y nel so ámbitu, del gallego-asturianu, en réxime de concurrencia competitiva, demientres l'exerciciu 2013.

Conforme a lo dispuesto na Resolución de 16 de mayu de 2005, de la Conseyería d'Economía y Alministración Pública, pola que s'establez el sistema d'información contable de l'Alministración del Principáu d'Asturies y el so sector públicu y s'aprueben les normes sobre los procedimientos de xestión, tramitación y réxime de contabilidad na ejecución del presupuestu de gastos, la Intervención Delegada, en fecha 15 de mayu de 2013, emitió'l correspondiente informe fiscal favorable.

Vistos:

Llei del Principáu d'Asturies 6/1984, de 5 de xunetu, del Presidente y del Conseyu de Gobiernu.

Decretu 74/2012, de 14 de xunu, pol que s'establez la estructura orgánica básica de la Conseyería d'Educación, Cultura y Deporte.

Decretu Llexislativu 2/1998, de 25 de xunu, pol que s'aprueba'l Testu Refundíu del Réxime Económicu y Presupuestariu del Principáu d'Asturies.

Decretu 71/1992, de 26 d'ochobre, sobre réxime xeneral de concesión de subvenciones.

Llei 2/1995, de 13 de marzu, sobre Réxime Xurídicu de l'Alministración del Principáu d'Asturies.

Llei 38/2003, de 17 de payares, Xeneral de Subvenciones.

Real Decretu 887/2006, de 21 de xunetu, pol que s'aprueba'l Reglamentu de la Llei 38/2003, de 17 de payares, Xeneral de Subvenciones.

Atendiendo a lo anteriormente espuesto,

RESUELVO

Primeru.—Aprobar la convocatoria conxunta de subvenciones pa la normalización social del asturianu, y nel so ámbitu, del gallego-asturianu, en réxime de concurrencia competitiva, demientres l'exerciciu 2013.

Segundu.—Autorizar el correspondiente gastu, por un importe total de 208.000,00 € (doscientos ocho mil euros) con cargu a les aplicaciones que pa caúna de les llinias s'indiquen darréu:

Llinia 6: Promoción de la música n'asturianu y en gallego-asturianu.

L'importe total que se destina a esta llinia asciende a 40.000,00 euros con cargu a l'aplicación 14.04.422R.472.001 de los Presupuestos Xenerales del Principáu d'Asturies pal añu 2013.



Llinia 7: Actividaes de medios de comunicación pa la normalización social del asturianu y, nel so ámbitu, del gallego-asturianu.

L'importe total que se destina a esta llinia asciende a 168.000,00 euros con cargu a l'aplicación 14.04.422R.472.012 de los Presupuestos Xenerales del Principáu d'Asturies pal añu 2013.

Terceru.—Van ser beneficiaries d'estes ayudes les persones o entidaes que s'indiquen pa caúna de les llinies, y van poder ser oxetu de subvención les actuaciones que se desenvuelvan conforme col detalle que s'indica de siguío:

Llinia 6: Promoción de la música n'asturianu y en gallego-asturianu.

Va poder solicitar estes subvenciones cualesquier empresa privada d'ámbitu asturianu dedicada a la producción musical. Tán escluyíes d'esta convocatoria les entidaes o actividaes que se puedan acoyer a otres ayudes d'ésta o otres Conseyeríes por tener convocatoria específica.

L'oxetu de la presente convocatoria ye la concesión d'ayudes económicques en réxime de concurrencia competitiva a empreses privaes pa la promoción de la música n'asturianu y, nel so ámbitu, en gallego-asturianu, que se realice en diferentes soportes físicos o dixitales demientres l'añu 2013. A los fines de la normalización social, l'asturianu o, nel so casu, el gallego-asturianu, deberá ser la llingua normal y vehicular na qu'aparezan les lletres de les canciones y tolos testos impresos o dixitales qu'acompañen a la obra musical.

Nun van ser subvencionables los gastos xeneraos por equipamientu o inversión.

La cuantía máxima de la subvención por proyectu va ser de 5.000 euros.

Llinia 7: Actividaes de medios de comunicación pa la normalización social del asturianu y, nel so ámbitu, del gallego-asturianu.

Van poder solicitar estes subvenciones les empreses titulares de medios de comunicación d'ámbitu asturianu. Tán escluyíes d'esta convocatoria les entidaes o actividaes que puedan acoyese a otres ayudes d'ésta o otres conseyeríes por tener convocatoria específica.

L'oxetu de la presente convocatoria ye la concesión d'ayudes económicques en réxime de concurrencia competitiva a empreses periodístiques, radiofóniques, televisives o d'Internet, poles inversiones realizaes na producción d'espacios onde s'utilice l'asturianu, o'l gallego-asturianu nel so ámbitu, demientres l'añu 2013, bien de manera habitual n'informaciones xenerales, bien n'espacios periódicos y fixos, bien en programes extraordinarios d'interés especial, pero siempre que tal usu contribuya a la normalización y dignificación del usu social de la llingua y seyan espacios configuraos como propios del mediu de comunicación y asumíos por él. Valorarásel distintu grau d'usu del asturianu o gallego-asturianu que faga'l mediu de comunicación nel que s'inserta'l proyectu.

Tán escluyíos d'estes ayudes los folletos internos de les instituciones, les publicaciones de partíos políticos, asociaciones culturales y les entidaes públiques.

Nun van ser subvencionables los gastos xeneraos por equipamientu o inversión.

La cuantía máxima de la subvención por proyectu va ser de 30.000 euros.

Cuartu.—El réxime regulador de la concesión d'estes subvenciones ye l'establecíu na Llei 38/2003, de 17 de payares, Xeneral de Subvenciones, y el Real Decretu 887/2006, de 21 de xunetu, pol que s'aprueba'l Reglamentu de la Llei, mesmu que nel Decretu 71/1992, de 29 de payares, pol que se regula'l réxime xeneral de concesión de subvenciones nel ámbitu del Principáu d'Asturies, y les bases reguladores aprobaes por Resolución de 30 d'abril del 2009, de la Consejería de Cultura y Turismu, pola que s'aprueben les bases reguladores de la concesión de subvenciones pa la normalización social del asturianu y, nel so ámbitu, del gallego-asturianu, en réxime de concurrencia competitiva, modificada por Resolución de la Consejería de Cultura y Deporte de fecha 23 d'abril de 2012 (*Boletín Oficial del Principáu d'Asturies* de 30 d'abril de 2012).

D'igual forma, nos Anexos I y II incorporaos a la presente Resolución, indíquense de forma precisa les disposiciones específiques pa caúna de les llinies y los criterios de valoración con su ponderación correspondiente.

Quintu.—El procedimientu de concesión d'estes subvenciones va tramitase en réxime de concurrencia competitiva; la mentada concesión va facese per aciu de la comparanza de les solicitúes presentaes, estableciéndose una prelación ente les mesmes, acordies colos criterios de valoración fixaos na Base séptima de les aprobaes por Resolución de 30 d'abril de 2009, nos Anexos I y II d'esta Resolución y ensin perjuiciu de los límites de puntuación y de cuantía máxima.

Namás van poder recibir subvención aquellos proyectos que se valoren con un mínimu de 50 puntos. Les entidaes con proyectos que tengan la máxima puntuación (100 puntos) van llograr la subvención na so cuantía máxima. Dicha cuantía va reducise proporcionalmente a la puntuación consiguida n'aquelles solicitúes que llograren una puntuación igual o superior a 50 puntos, col límite del crédito disponible y conforme a la siguiente fórmula estadística: $(a-b / c-b) * d$

onde

a = puntuación consiguida.

b = (menor puntuación posible por proyectu subvencionable)-1.

c = mayor puntuación posible por proyectu subvencionable.

d = cantidá máxima cola que pue subvencionase un proyectu.



Cuando'l créditu autorizáu seya insuficiente pa financiar les cantidaes asignaes conforme a los criterios de valoración, va reducise la cuantía de les subvenciones a conceder, distribuyendo'l déficit de financiación proporcionalmente a la cuantía.

Sestu.—Pa toes y caúna de les llinies de subvención, l'órganu instructor va ser el Serviciu de Política Llingüística, de la Dirección Xeneral de Política Llingüística, resolviéndose'l procedimientu por Resolución de la Consejera d'Educación, Cultura y Deporte.

Séptimu.—

1. Les solicitúes de subvención, tantes como llinies, y una pa cada proyectu, tienen que presentase, según modelu normalizáu que s'axunta en caún de los anexos de la llinia correspondiente, nel Rexistru Xeneral de l'Alministración del Principáu d'Asturies (Edificiu Alministrativu, c/ Coronel Aranda, s/n, planta plaza, sector central, Uviéu) o al traviés de cualesquier de los medios establecíos nel artículu 38 de la Llei de Réxime Xurídicu de les Alministraciones Públiques y del Procedimientu Alministrativu Común. Si n'usu d'esti derechu la solicitú se remite per corréu, tien que se presentar en sobre abiertu pa que la solicitú seya datada y sellada por personal de correos enantes de que se proceda a la so certificación.
2. El plazu pa la presentación de solicitúes va ser de trenta díes naturales a contar dende'l día siguiente a la publicación de la presente convocatoria nel Boletín Oficial del Principáu d'Asturies.
3. Xunto cola solicitú tienen d'acompañase necesariamente, pa caúna de les llinies, los siguientes documentos que van tener que completase, nel so casu, colos previstos con carácter particular pa caúna d'elles nos correspondientes anexos:
 - a) Documentos acreditativos de la personalidá de la persona o entidá solicitante y, nel so casu, del representante, que tamién tien qu'acreditar la representación cola qu'actúa.

Pal documentu acreditativu de la personalidá de persona física, el solicitante puede autorizar al órganu instructor pa que consulte énte'l Ministeriu competente en materia d'interior. Si l'interesáu nun presenta'l so preste, tien d'aportar el documentu acreditativu.

Si de la comprobación efectuada resultare dalguna discordancia colos datos facilitaos pol interesáu, l'órganu instructor va tar facultáu pa realizar les actuaciones pertinentes pa esclariala.
 - b) Escritura de constitución y de les sos modificaciones nel casu de persones xurídiques; y últimu recibu d'autónomos, nel casu de persones físicas. N'entrambos los dos casos, documentu acreditativu d'alta nel IAE y informe de situación d'alta del solicitante nel Sistema de la Seguridá Social na data de presentación de la solicitú. El conteníu de la documentación aportada conforme a esti apartáu tien d'acreditar que'l solicitante cumple coles condiciones pa ser beneficiariu d'estes ayudes, acordies colo que se prevé nel resolvo terceru.
 - c) Declaración responsable firmada pol solicitante o representante llegal, de que la entidá solicitante nun ta incurso nes prohibiciones pa llograr la condición de beneficiariu, previstes nel artículu 13 de la Llei 38/2003, de 17 de payares, Xeneral de Subvenciones, de xustificar les subvenciones y ayudes concedíes con anterioridá pola Comunidá Autónoma y rrellación de solicitúes d'ayuda tramitades a otros organismos públicos o entidaes pal desarrollu del mesmu proyectu y, nel so casu, importe de les ayudes concedíes; de nun ser asina, declaración de que nun solicitó nengún tipu d'ayuda pa la realización del proyectu.
 - d) Certificación acreditativa de la persona solicitante de tar al corriente de les sos obligaciones tributaries, de nun ser deudora nin cola Hacienda del Estáu nin cola del Principáu d'Asturies y del pagu de cotizaciones a la Seguridá Social.

Si'l solicitante autoriza a que l'órganu concedente obtenga pente medies de certificaos telemáticos l'acreditación del cumplimientu de les obligaciones tributaries y cola Seguridá Social nun se deberán aportar les correspondientes certificaciones. La non autorización supondrá aportar les certificaciones alministratives mentaes con anterioridá a dictase la propuesta de resolución de concesión, según lo qu'establez l'artículu 4.1 e) de la Llei 8/2003, de 17 de payares, Xeneral de Subvenciones.
 - e) Ficha d'acreditor correctamente cumplimentada y tramitada pola oficina bancaria: tien que se presentar solo cuando se solicite subvención del Principáu d'Asturies la primer vez, o cuando se produza dalguna modificación que tenga que ser conseñada na mesma.
4. Nel casu de que la entidá que faga la petición solicite ayuda económica pa más d'un proyectu na mesma convocatoria, la documentación xeneral referente al peticionariu, señalada nel apartáu anterior, va ser suficiente axuntarla a la solicitú d'un solo proyectu, indicando nel restu de les peticiones esta circunstancia.
5. Si la solicitú nun tuviere acompañada de los documentos o datos esixíos va requerise a la persona solicitante pa que, conforme al artículu 71 de la Llei 30/92, de 26 de payares, de Réxime Xurídicu de les Alministraciones Públiques y del Procedimientu Alministrativu Común, nel plazu de diez díes, se ponga igua al defectu con apercibimientu de que, de nun lo facer asina, va considerase desistíu na so petición, previa resolución que tien que se dictar nos términos del artículu 42 de la mesma llei.

Octavu.—N'acabando'l plazu de presentación de solicitúes y, nel so casu, el d'igua, una Comisión de valoración, nomada pola Consejera d'Educación, Cultura y Deporte, y cola composición prevista nel apartáu 2.º de la base séptima de les aprobaes al traviés de Resolución de 30 d'abril de 2009, va estudiar y evaluar los proyectos. Si lo estima oportuno, va poder pa ello entrevistase coles persones solicitantes.

Formulada por dicha comisión la correspondiente propuesta de resolución de concesión de subvenciones, y conforme al procedimientu previstu na mentada base séptima, la Consejera d'Educación, Cultura y Deporte va dictar resolución



qu'acaba cola vía alministrativa y contra la que pue ponese recursu contencioso-alministrativu, ensin perxuičiu del recursu potestativu de reposición que tien que s'interponer, nel so casu, énte l'órganu que dictó la resolución.

El plazu máximu pa resolver y notificar va ser de cinco meses contaos dende l'últimu día del plazu de presentación de solicitúes. Nel casu de nun se dictar y notificar la Resolución nel plazu marcáu, les solicitúes van poder entendese desestimaes.

Dicha resolución va ser publicada nel *Boletín Oficial del Principáu d'Asturies* implicando los efectos propios de la notificación, y ello conforme lo estableció nel artículu 59.6 y concordantes de la Llei 30/1992, de 26 de payares, de Réxime Xurídicu de les Alministraciones Públiques y del Procedimientu Alministrativu Común.

Novenu.—No tocante al pagu y xustificación de la subvención concedida, va actuase conforme lo dispuestu nes bases octava y décima que regulen la presente convocatoria, y al anexu incorporáu por Resolución de la Conseyería de Cultura y Deporte de fecha 23 d'abril de 2012, pola que se modifiquen les citaes bases, ensin perxuičiu de les particularidaes que pa cada llinia de subvención s'establezan, nel so casu, nos Anexos I y II incorporaos a la presenta Resolución.

L'últimu día pa la xustificación de l'ayuda concedida va ser el 15 de payares de 2013.

Décimu.—Ordenar la publicación de la presente Resolución nel.

Undécimu.—Esta Resolución termina la vía alministrativa y va poder ser recurrida potestativamente en reposición, énte la Conseyera d'Educación, Cultura y Deporte, nel plazu d'un mes computáu dende'l día siguiente al de publicación de la presente resolución nel *Boletín Oficial del Principáu d'Asturies*, o ser directamente impugnada énte la Sala de lo Contencioso-Alministrativu del Tribunal Superior de Xusticia d'Asturies, nel plazu de dos meses contaos dende la publicación de la resolución, ensin perxuičiu de cualesquier otru recursu que consideren procedente interponer en defensa de los sos intereses.

Uviéu, 17 de mayu de 2013.—La Conseyera d'Educación, Cultura y Deporte, Ana González Rodríguez.—Cód. 2013-11036.

Anexu I

NORMES ESPECÍFIQUES

Llinia 6. Promoción de la música n'asturianu y en gallego-asturianu

I.—Documentación a acompañar a la solicitú:

- a) Proyeutu pal que se solicita ayuda detallando calendariu, soporte, tirada, intérpretes (cola so trayectoria) y número de temas, instrumentación, producción musical (si hai), estudiu de grabación y díes destinaos pa la mesma y, en xeneral, cuantos datos se consideren necesarios pa una meyor comprensión del proyeutu, incluyendo la trayectoria de la empresa discográfica. Tienen d'axuntase obligatoriamente los testos impresos o dixitales del proyeutu, incluyídos los títulos. La non presentación conllevará la desestimación del proyeutu.
- b) Presupuestu detalláu de los gastos xeneraos pola actividá.

II.—Criterios de valoración:

La Comisión va evaluar los proyectos que se presenten conforme a los criterios de valoración y baremación que siguen:

- Grau d'elaboración, detalle y concreción del proyeutu presentáu: hasta un máximu de 10 puntos, conseñándose:
 - Grau nulu d'elaboración, detalle y concreción del proyeutu, que nun permita la so valoración: 0 puntos.
 - Escasu grau d'elaboración, detalle y concreción del proyeutu, que permita una valoración mínima del mesmu: 2 puntos.
 - Grau suficiente d'elaboración, detalle y concreción del proyeutu, que permita una valoración afayadiza del mesmu: 5 puntos.
 - Bon grau d'elaboración, detalle y concreción del proyeutu, que permita una valoración destacable del mesmu: 7 puntos.
 - Grau máximu d'elaboración, detalle y concreción del proyeutu (con presentación de maqueta) que permita una valoración óptima del mesmu: 10 puntos.
- L'interés y la calidá artística del proyeutu: hasta un máximu de 30 puntos col siguiente detalle:
 - a) La presencia de la llingua asturiana o del gallego-asturianu nos temas que componen el discu: hasta un máximu de 15 puntos, conseñándose
 - tolos temas tán n'asturianu o gallego-asturianu: 15 puntos.
 - ente'l 50 % y el 99 % de los temas tán n'asturianu o gallego-asturianu: 10 puntos.
 - menos del 50 % de los temas tán n'asturianu o gallego-asturianu: 5 puntos.
 - b) Va valorase, nuna escala de 1 a 15 puntos, la calidá artística del proyeutu, atendiendo a parámetros como'l



carácter innovador de la propuesta artística, el grau d'escelencia de la mesma, la calidá lliteraria de les lletres y la calidá de los intérpretes y la instrumentación.

- Posibilidaes d'espardimientu del proyectu: hasta un máximu de 10 puntos, conseñándose:
 - Divulgación nula: 0 puntos.
 - Divulgación suficiente, pola presentación d'un proyectu de distribución comercial parcial: 5 puntos.
 - Divulgación máxima, pola presentación d'un proyectu de distribución comercial xeneral: 10 puntos.
- Trayectoria de la empresa discográfica: hasta un máximu de 15 puntos, conseñándose:
 - Trayectoria non consolidada: 0 puntos.
 - Trayectoria suficientemente consolidada, cola xestión y edición de, pelo menos, 5 proyectos musicales con proyección pública suficiente: 5 puntos.
 - Trayectoria bien consolidada, cola xestión y edición de, pelo menos, 10 proyectos musicales con proyección pública suficiente: 10 puntos.
 - Trayectoria mui consolidada, cola xestión y edición de más de 10 proyectos musicales con proyección pública suficiente: 15 puntos.
- Trayectoria artística del grupu o cantante: hasta un máximu de 15 puntos, conseñándose:
 - Trayectoria non consolidada: van dase 0 puntos a los artistes o grupos ensin obra conocida.
 - Trayectoria insuficientemente consolidada: van dase 5 puntos a los artistes o grupos con escasa obra conocida, fundamentalmente poles sos actuaciones en directu.
 - Trayectoria suficientemente consolidada: van dase 10 puntos a los artistes o grupos con obra conocida amás de poles sos actuaciones en directu por tener pelo menos un discu grabáu.
 - Trayectoria bien consolidada: van dase 15 puntos a los artistes o grupos con abundante obra conocida amás de poles sos actuaciones en directu por tener pelo menos dos discos grabaos.
- corrección llingüística na realización de los proyectos: hasta un máximu de 20 puntos, conseñándose:
 - a) La empresa cumple colos Decretos d'oficialización de la toponimia asturiana nes sos comunicaciones:
 - Non: 0 puntos.
 - Sí: 10 puntos.
 - b) Grau de corrección lingüística na realización del proyectu: hasta un máximu de 10 puntos col siguiente detalle:
 - Ausencia de corrección ortográfica y sintáctica: 0 puntos.
 - Corrección ortográfica y sintáctica: 5 puntos.
 - Corrección ortográfica y sintáctica, y riqueza léxica: 7 puntos.
 - Corrección ortográfica y sintáctica, riqueza léxica y adecuación de los rexistros espresivos: 10 puntos.

III.—Documentación xustificativa específica:

- a) Amás de la documentación xustificativa xeneral indicada na base décima de la Resolución de 30 d'abril de 2009, de la Consejería de Cultura y Turismu, pola que s'aprueben les bases reguladores de la concesión de subvenciones pa la normalización social del asturianu, y nel so ámbitu, del gallego-asturianu (*Boletín Oficial del Principáu d'Asturies* de 13 de mayu de 2009), y na modificación de la mesma aprobada por Resolución de la Consejería de Cultura y Deporte de 23 d'abril de 2012 (*Boletín Oficial del Principáu d'Asturies* de 30 d'abril de 2012), tien que s'apurir, como muestra de l'actividá subvencionada, 25 exemplares de la obra musical editada o cuando se trate d'una obra en soporte dixital va acompañase d'una muestra escrita na que queden reflexaes les característiques finales.



SUBVENCIONES PA LA NORMALIZACIÓN SOCIAL DEL ASTURIANU

Páxina 1 de 1

Espaciu reserváu pa rexistru alministrativu

GOBIERNU DEL PRINCIPAU D'ASTURIES

Datos de la persona solicitante

Persona física

Primer apellíu	Segundu apellíu	Nome
<input type="text"/>	<input type="text"/>	<input type="text"/>
N.I.F./N.I.E.	Teléfonu (fixu/móvil)	Corréu electrónicu
<input type="text"/>	<input type="text"/>	<input type="text"/>

Persona xurídica

Razón social	N.I.F.
<input type="text"/>	<input type="text"/>

Representante llegal (Cumplimentar namás cuando la solicitú se formule por persona distinta del solicitante o cuando ésti sía una persona xurídica)

Primer apellíu	Segundu apellíu	Nome
<input type="text"/>	<input type="text"/>	<input type="text"/>
N.I.F./N.I.E.	Teléfonu (fixu/móvil)	Corréu electrónicu
<input type="text"/>	<input type="text"/>	<input type="text"/>

Señes a efectos de notificación

Calle/Plaza	C.P.	N.º	Bloque	Esc.	Pisu	Puerta
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
Provincia	Conceyu	Lugar				
<input type="text"/>	<input type="text"/>	<input type="text"/>				

Autorizo a l'Administración pa informame per aciu de mensaxes SMS o correos electrónicos del estáu de la mio solicitú mesmo que d'otru tipu d'avisos relacionaos que puedan ser del mio interés.

Oxetu de la solicitú

SUBVENCIONES A LA PROMOCIÓN DE LA MÚSICA N'ASTURIANU Y EN GALLEGO-ASTURIANU:

Denominación del proyectu
<input type="text"/>

Cantidá solicitada	Presupuestu total del proyectu	Data d'empiezu del proyectu	Data final del proyectu
<input type="text"/> €	<input type="text"/> €	<input type="text"/>	<input type="text"/>

Datos bancarios

Entidá	Sucursal	N.º Cuenta			
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
		Entidá	Sucursal	DC	N.º Cuenta

Solicitó o llogró otres ayudes públiques o privaes en rellación con esta solicitú? Sí Non

Ayudes solicitaes o llograes d'entidaes públiques o privaes (Cumplimentar cuando proceda)

<input type="text"/>
<input type="text"/>
<input type="text"/>
<input type="text"/>

Órganu xestor (Cumplimentar cuando proceda)

<input type="text"/>
<input type="text"/>
<input type="text"/>
<input type="text"/>



0020023519

SUBVENCIONES PA LA NORMALIZACIÓN SOCIAL DEL ASTURIANU

Página 2 de 2

Espaciu reserváu pa rexistru alministrativu

GOBIERNU DEL PRINCIPÁU D'ASTURIES

Documentación que debe aportarse

DOCUMENTACIÓN XENERAL PA TOLES LLINES que se pueden ser referencios a solicitúes anteriores:

- Documentos acreditativos de la personalidad de la entidá solicitante y, nel su casu, del representante, au'amás tendrá d'acreditar la representación cola qu'actúa.
- Escritura de constitución y los sos cambios nel casu de persones xurídiques.
- Documentu acreditativu de l'alta nel IAE.
- Ficha d'acreeador debidamente rellenada y tramitada pola oficina bancaria.
- Nel casu de que dalgún de los documentos anteriormente rellacionaos se presentaran nes convocatories anteiores, señale esta casilla y indique'l numberu d'expediente

La persona solicitante autoriza a que l'Alministración del Principáu d'Asturies recabe la información que vien darréu:

pente medies de la plataforma d'intermediación de datos de les Alministraciones Públiques o pente medies d'otros sistemas qu'establezcan (de nun marcar dalguna opción, tien d'acompañar a la solicitú la documentación correspondiente):

- Al Ministeriu competente en materia d'Interior, la consulta de los sos datos d'identidá (DNI/NIE).
- A la Agencia Estatal de l'Alministración Tributaria, la consulta de tar al corriente nel cumplimientu de les obligaciones tributaries estatales.
- Al Ente Públicu de Servicios Tributarios, la consulta de tar al corriente nel cumplimientu de les obligaciones tributaries cola Facienda del Principáu d'Asturies.
- A la Tesorería Xeneral de la Seguridá Social, la consulta de tar al corriente nel cumplimientu de les obligaciones cola Seguridá Social.
- A la Tesorería Xeneral de la Seguridá Social, la consulta de situación d'alta na Seguridá Social (nel casu de persones fisiques).

La persona solicitante declara:

- > Que son ciertos y completos tolos datos de la presente solicitú, mesmo que tola documentación que presenta (la falsedá nun documento públicu ye un delitu, acordies col artículu 392 del Códigu Penal).
- > Que se compromete a cumplir les condiciones que s'especificuen na normativa aplicable, que conoz na so integridá.
- > Nun tar incursu nes prohibiciones pa llograr la condición de beneficiariu, señalaes nos apartaos 2 y 3 del artículu 13 de la Llei 38/2003, de 17 de payares, Xeneral de Subvenciones.
- > Alcontrase al corriente nel cumplimientu de les sos obligaciones tributaries y cola Seguridá Social.
- > Nun ser deudor de la Hacienda Pública del Principáu d'Asturies por deudes vencies, líquidaes y esixibles.
- > Proceder a la xustificación de les subvenciones y ayudes concedíes con anterioridá pola Comunidá Autónoma.
- > Comprometese a comunicar y documentar, nel so casu, la solicitú o llogru de subvenciones o ayudes pa la mesma finalidá procedentes d'otros Alministraciones Públiques o entes públicos o privaos.

ÓRGANU AL QUE SE DIRIXE:

Firma/s

En/N' a de/d' de/d'

En cumplimientu de lo dispuesto na Llei Orgánica 15/1999 de 13 d'avientu de Protección de Datos de Carácter Personal (LOPD) l'Alministración del Principáu d'Asturies informal de que los datos personales recoyíos pente medies del presente formulariu, asina como los xeneraos nel transcursu de la rellación alministrativa, sedrán incorporaos a un ficheru de la so titularidá que tien por fin el tratamientu de los expedientes alministrativos.

Si ente la información qu'usté facilita figuren datos de terceros, usté asume'l compromisu d'informalos de los estremos señalaos nel párrafu anterior.

Usted puede exercitar los derechos d'accesu, rectificación, cancelación y oposición unviando per corréu o presentando presencialmente'l correspondiente formulariu a la Oficina d'Atención Ciudadana (SAC) nel Edificiu de Servicios Múltiples C/ Coronel Aranda, nº 2, 33005, Uviéu (Asturies) o a los distintos rexistros de l'Alministración del Principáu d'Asturies. Tamién se pueden exercitar estos derechos de forma electrónica pente medies del mesmu formulariu, que ta disponible na siguiente direcció: <https://sede.asturias.es>



Anexu II

NORMES ESPECÍFIQUES

Llínea 7. Actividaes de medios de comunicación pa la normalización social del asturianu y, nel so ámbitu, del gallego-asturianu

I.—Documentación a acompañar a la solicitú:

- a) Proyeutu detalláu pal que se solicita ayuda y que tien d'incluyir los datos que siguen:
- Fueya añal d'audiencies o de divulgación (nel so defectu, certificáu de ventes, tarifas de publicidá, etc.).
 - Los proyectos de los medios de prensa escrita van dir acompañaos de testos de muestra que dean una idea cabal del usu llingüísticu escoyíu, y tienen qu'indicar númberu de páxines, sitiu d'inscripción, periodicidá, díes de publicación y inserción, temática, estructura, tipu de maquetación, personal de redacción, collaboraciones y cuanta información seya necesaria pa dar idea exacta del proyeutu.
 - Los proyectos de les emisores de radio y televisión podrán dir acompañaos d'una maqueta de muestra, y en tou casu tienen qu'indicar planificación temporal, guion del programa o programes, duración de los espacios, díes y hores d'emisión, oxetivos del programa, temática, estructura de la programación, redactores y collaboradores y cuanta información seya necesaria pa dar idea exacta del proyeutu.
 - Los proyectos d'internet tienen qu'axuntar una muestra escrita onde se reflexen les característiques finales.
- b) Presupuestu detalláu de gastos de l'actividá pa la que se solicita ayuda, indicando los gastos específicos que se refieran a la so ellaboración (collaboraciones, traducciones, etc.)

II.—Criterios de valoración:

La Comisión va evaluar los proyectos que se presenten conforme a los criterios de valoración y baremación que siguen:

- grau d'ellaboración, detalle y concreción del proyeutu presentáu: hasta un máximu de 10 puntos, enseñándose:
 - Grau nulu d'ellaboración, detalle y concreción del proyeutu, que nun permita la so valoración: 0 puntos.
 - Escasu grau d'ellaboración, detalle y concreción del proyeutu, que permita una valoración mínima del mesmu: 2 puntos.
 - Grau suficiente d'ellaboración, detalle y concreción del proyeutu, que permita una valoración afayadiza del mesmu: 5 puntos.
 - Bon grau d'ellaboración, detalle y concreción del proyeutu, que permita una valoración destacable del mesmu: 7 puntos.
 - Grau máximu d'ellaboración, detalle y concreción del proyeutu que permita una valoración óptima del mesmu: 10 puntos.
- Proyección social y visibilidá de les acciones: hasta un máximu de 10 puntos, enseñándose:
 - Proyeutu con proyección social y visibilidá nules: 0 puntos.
 - Proyeutu con proyección social y visibilidá mínimes: 2 puntos.
 - Proyeutu con proyección social y visibilidá restrinxies: 5 puntos.
 - Proyeutu con proyección social y visibilidá medies: 7 puntos.
 - Proyeutu con proyección social y visibilidá amplies: 10 puntos.
- L'adequación a los oxetivos xenerales de la normalización del asturianu: hasta un máximu de 30 puntos, enseñándose:
 - a) El mediu de comunicación usa l'asturianu o gallego-asturianu como llingua tresversal, non llimitada a una sección en particular:
 - Non: 5 puntos.
 - Sí: 10 puntos.
 - b) El mediu de comunicación cumple colos Decretos d'oficialización de la toponimia asturiana nes sos comunicaciones:
 - Non: 0 puntos.
 - Sí: 5 puntos.
 - c) Valorarase de 0 a 15 puntos el grau d'adequación a los oxetivos de promoción del asturianu p'algamar la so normalización, enseñándose:
 - Adequación nula: 0 puntos.

- Adecuación suficiente (usu del asturianu en prensa escrita de tirada restrinxida; en microespacios n'asturianu d'emisores non xeneralistes; en microespacios televisivos; en prensa dixital de difusión restrinxida y otros asemeyaos): 5 puntos.
- Adecuación notable (usu del asturianu en prensa escrita de tirada media; en microespacios n'asturianu d'emisores xeneralistes; n'espacios televisivos de duración media; en prensa dixital de difusión media y d'actualización frecuente y n'otros asemeyaos): 10 puntos.
- Grau máximu d'adequación (usu del asturianu en prensa escrita d'amplia tirada rexonal; n'espacios radiofónicos d'emisores xeneralistes; n'espacios televisivos d'amplia duración; n'axencies de noticies o en prensa dixital d'amplia difusión y d'actualización diaria y n'otres asemeyaos): 15 puntos.
- La estensión del espaciu escritu o faláu y/o la tirada o espardimientu y l'horariu ("prime time") o llugar preferente de la páxina y los díes d'emisión , hasta un máximu de 40 puntos, conseñándose:
 - a) Estensión del espaciu escritu o faláu, 10 puntos, conseñándose:
 - Proyectos d'estensión nula: 0 puntos.
 - Proyectos d'estensión reducida (ente'l 1 % y el 30 % del espaciu escritu o faláu tomando como referencia'l total de la programación): 5 puntos.
 - Proyectos d'estensión media (ente'l 31 % y el 60 % del espaciu escritu o faláu tomando como referencia'l total de la programación): 7 puntos.
 - Proyectos d'estensión amplia (ente'l 61 % y el 100 % del espaciu escritu o faláu tomando como referencia'l total de la programación): 10 puntos.
 - b) Tirada o espardimientu, 15 puntos, conseñándose:
 - Proyectos de divulgación nula (según datos de tirada, siguimientu, númberu de llectores o audiencia apurríos): 0 puntos.
 - Proyectos de divulgación mínima (según datos de tirada, siguimientu, númberu de llectores o audiencia apurríos): 5 puntos.
 - Proyectos de divulgación reducida (según datos de tirada, siguimientu, númberu de llectores o audiencia apurríos): 7 puntos.
 - Proyectos de divulgación media (según datos de tirada, siguimientu, númberu de llectores o audiencia apurríos): 10 puntos.
 - Proyectos de divulgación amplia (según datos de tirada, númberu de llectores o audiencia apurríos): 15 puntos.
 - c) Horariu ("prime time") o llugar preferente de la páxina, 5 puntos, conseñándose:
 - Horariu d'emisión, llugar destacáu na publicación o na estructura de la web: 5 puntos.
 - Horariu d'emisión, llugar non preferente na publicación o na estructura de la web: 2 puntos.
 - d) Díes d'emisión, 10 puntos, conseñándose:
 - Emisión, frecuencia o grau d'actualización de calter diariu (díes llaborables y fines de selmana): 10 puntos.
 - Emisión, frecuencia o grau d'actualización en díes llaborables (llunes a viernes): 5 puntos.
 - Emisión, frecuencia o grau d'actualización non diariu (díes alternos, selmanal, quincenal, etc.): 2 puntos
- Corrección llingüística na realización de los proyectos: hasta un máximu de 10 puntos, conseñándose:
 - Ausencia de corrección ortográfica y sintáctica: 0 puntos.
 - Mínima corrección ortográfica y sintáctica: 2 puntos.
 - Corrección ortográfica y sintáctica: 5 puntos.
 - Corrección ortográfica y sintáctica, y riqueza léxica: 7 puntos.
 - Corrección ortográfica y sintáctica, riqueza léxica y adecuación de los rexistros espresivos: 10 puntos.

III.—Documentación xustificativa específica:

- a) Amás de la documentación xustificativa xeneral indicada na base décima de la Resolución de 30 d'abril de 2009, de la Conseyería de Cultura y Turismu, pola que s'aprueben les bases reguladores de la concesión de subvenciones pa la normalización social del asturianu, y nel so ámbitu, del gallego-asturianu (*Boletín Oficial del Principáu d'Asturies* de 13 de mayu de 2009), y na modificación de la mesma aprobada por Resolución de la Conseyería de Cultura y Deporte de 23 d'abril de 2012 (*Boletín Oficial del Principáu d'Asturies* de 30 d'abril de 2012), va apurrise, como muestra de l'actividá subvencionada, copia de la totalidá de los exemplares impresos. Nel casu d'actividaes de carácter audiovisual, muestra de les grabaciones y certificaciones d'emisión.



002002114

SUBVENCIONES PA LA NORMALIZACIÓN SOCIAL DEL ASTURIANU

Página 1 de 1

Espaciu reserváu pa rexistru alministrativu



GOBIERNU DEL PRINCIPAU D'ASTURIES

Datos de la persona solicitante

Persona física

Primer apellíu

Segundu apellíu

Nome

N.I.F./N.I.E.

Teléfonu (fixu/móvil)

Corréu electrónicu

Persona xurídica

Razón social

N.I.F.

Representante legal (Cumplimentar namás cuando la solicitú se formule por persona distinta del solicitante o cuando ésti sia una persona xurídica)

Primer apellíu

Segundu apellíu

Nome

N.I.F./N.I.E.

Teléfonu (fixu/móvil)

Corréu electrónicu

Señes a efectos de notificación

Calle/Plaza

C.P.

N.º

Bloque

Esc.

Pisu

Puerta

Provincia

Conceyu

Llugar

- Autorizo a l'Alministración pa informame per aciu de mensaxes SMS o correos electrónicos del estáu de la mio solicitú mesmo que d'otru tipu d'aviso relacionaos que puedan ser del mio interés.

Oxetu de la solicitú

SUBVENCIONES A ACTIVIDADES DE MEDIOS DE COMUNICACIÓN PA LA NORMALIZACIÓN SOCIAL DEL ASTURIANU Y, NEL SO ÁMBITU, DEL GALLEGO-ASTURIANU:

Denominación del proyectu

Cantidá solicitada

Presupuestu total del proyectu

Data d'empiezu del proyectu

Data final del proyectu

Datos bancarios

Entidá

Sucursal

N.º Cuenta

Entidá

Sucursal

DC

N.º Cuenta

Solicitó o llogró otre ayudas públiques o privaes en relación con esta solicitú?

Sí

Non

Ayudes solicitaes o llograes d'entidaes públiques o privaes (Cumplimentar cuando proceda)

Órganu xestor (Cumplimentar cuando proceda)

Four empty text input fields for listing requested or obtained aids.

Four empty text input fields for listing the managing body.



002002114

SUBVENCIONES PA LA NORMALIZACIÓN SOCIAL DEL ASTURIANU

Páxina 2 de 2

Espaciu reserváu pa rexistru alministrativu


GOBIERNU DEL
PRINCIPAU D'ASTURIAS

Documentación que debe aportarse

DOCUMENTACIÓN XENERAL PA TOLES LLINES que se pueden ser referenciaos a solicitúes anteriores:

- Documentos acreditativos de la personalidá de la entidá solicitante y, nel su casu, del representante, qu'amás tendrá d'acreditar la representación cola qu'actúa.
- Escritura de constitución y los sos cambios nel casu de persones xurídiques.
- Documentu acreditativu de l'alta nel IAE.
- Ficha d'acreeador debidamente rellenada y tramitada pola oficina bancaria.
- Nel casu de que dalgún de los documentos anteriormente rellacionaos se presentarán nes convocatoríes anteiores, señale esta casilla y indique'l numberu d'expediente

La persona solicitante autoriza a que l'Alministración del Principáu d'Asturies recabe la información que vien darréu: pente medies de la plataforma d'intermediación de datos de les Alministraciones Públiques o pente medies d'otros sistemas qu'establezan (de nun marcar dalguna opción, tien d'acompañar a la solicitú la documentación correspondiente):

- Al Ministeriu competente en materia d'Interior, la consulta de los sos datos d'identidá (DNI/NIE).
- A la Axencia Estatal de l'Alministración Tributaria, la consulta de tar al corriente nel cumplimientu de les obligaciones tributaries estatales.
- Al Ente Públicu de Servicios Tributarios, la consulta de tar al corriente nel cumplimientu de les obligaciones tributaries cola Hacienda del Principáu d'Asturies.
- A la Tesorería Xeneral de la Seguridá Social, la consulta de tar al corriente nel cumplimientu de les obligaciones cola Seguridá Social.
- A la Tesorería Xeneral de la Seguridá Social, la consulta de situación d'alta na Seguridá Social (nel casu de persones físiques).

La persona solicitante declara:

- > Que son ciertos y completos tolos datos de la presente solicitú, mesmo que tola documentación que presenta (la falsedá nun documentu públicu ye un delitu, acordies col artículu 392 del Códigu Penal).
- > Que se compromete a cumplir les condiciones que s'especificuen na normativa aplicable, que conoz na so integridá.
- > Nun tar incursu nes prohibiciones pa llograr la condición de beneficiariu, señalae nos apartaos 2 y 3 del artículu 13 de la Llei 38/2003, de 17 de payares, Xeneral de Subvenciones.
- > Alcontrase al corriente nel cumplimientu de les sos obligaciones tributaries y cola Seguridá Social.
- > Nun ser deudor de la Hacienda Públicu del Principáu d'Asturies por deudes vencíes, líquidaes y esixibles.
- > Proceder a la xustificación de les subvenciones y ayudes concedíes con anterioridá pola Comunidá Autónoma.
- > Comprometese a comunicar y documentar, nel so casu, la solicitú o llogru de subvenciones o ayudes pa la mesma finalidá procedentes d'otros Alministraciones Públiques o entes públicos o privaos.

ÓRGANU AL QUE SE DIRIXE:

Firma/s

En/N'

a

de/d'

de/d'

En cumplimientu de lo dispuesto na Llei Orgánica 15/1999 de 13 d'avientu de Protección de Datos de Carácter Personal (LOPD) l'Alministración del Principáu d'Asturies infórma de que los datos personales recuyíos pente medies del presente formulariu, asina como los xeneraos nel trescursu de la rellación alministrativa, sedrán incorporaos a un ficheru de la so titularidá que tien por fin el tratamientu de los expedientes alministrativos.

Si ente la información qu'usted facilita figuren datos de terceros, usted asume'l compromisu d'informalos de los estremos señalao nel párrafu anterior.

Usted puede exercitar los derechos d'accesu, rectificación, cancelación y oposición unviando per corréu o presentando presencialmente'l correspondiente formulariu a la Oficina d'Atención Ciudadana (SAC) nel Edificiu de Servicios Múltiples C/ Coronel Aranda, nº 2, 33005, Uviéu (Asturies) o a los distintos rexistros de l'Alministración del Principáu d'Asturies. Tamién se pueden exercitar estos derechos de forma electrónica pente medies del mesmu formulariu, que ta disponible na siguiente dirección: <https://sede.asturias.es>